

4. IFZren TXARTELA ALDATZEA EDO BIKOIZTEA

<u>Atala</u>	<u>Orrialdea</u>
<u>4.1.</u> <u>IFZren TXARTELA ALDATZEA</u>	43
<u>4.1.1.</u> <u>Pertsona fisikoak (NAN, IFZ: K, L, M)</u>	43
<u>4.1.2.</u> <u>Entitateak:</u>	43
<u>4.1.2.1.</u> <u>Egoitza fiskala edo soziala Gipuzkoa barruan aldatzea</u>	43
<u>4.1.2.2.</u> <u>Sozietate izena edo forma juridikoa aldatzea</u>	43
<u>4.2.</u> <u>IFZren TXARTELAREN KOPIA ESKATZEA</u>	44
<u>4.2.1.</u> <u>Pertsona fisikoak (NAN, IFZ: K, L, M)</u>	44
<u>4.2.2.</u> <u>Entitateak:</u>	44

4.1. IFZREN TXARTELA ALDATZEA

Aldaketaren ondorioz, egoitza fiskalean eskudun izango den administrazioari eskatu behar zaio IFZ aldatzeko. Beraz, egoitza fiskala Gipuzkoan baldin bazegoen eta beste lurralde batera joatea erabaki bada, txartel berria helmugako lurraldean eskuratu beharko da, eta Gipuzkoan 036 ereduak aurkeztu, helbidea aldatzeko.

4.1.1. PERTSONA FISIKOAK (NAN, IFZ: K, L, M)

NANa dutenek Poliziarengana jo behar dute dokumentu hori aldatzeko.

Gipuzkoako Foru Ogasunak zuzenean esleitutako IFZen kasuan, titularrek beste IFZ txartel bat eskuratuko dute, baldin eta txartel horretan agertzen diren datuetan izena edo helbidea aldatu badira. Horretarako, honako hauek aurkeztu beharko dituzte:

- 030 ereduak, datu berriak sartuta eta interesdunak edo haren ordezkariak sinatuta ([Jaitsi ereduak](#))
- Izena aldatuz gero, identifikazio agiriaren jatorrizkoa eta kopia aurkeztu beharko dira, aldaketa hori egin dela argi gera dadin.

Gipuzkoako Foru Ogasunean inskribatuta ez dagoen ordezkari batek aurkeztutako eskaeren kasuan, ordezkaritza horren frogagiriak aurkeztuko dira.

Aurkezteko lekua, jarraibideak eta bestelako datuak: [030 Gipuzkoa](#)

4.1.2. ENTITATEAK:

4.1.2.1. *Egoitza fiskala edo soziala Gipuzkoa barruan aldatzea*

Egoitza soziala eta/edo fiskala aldatzen duten entitateek honako hauek aurkeztu beharko dituzte:

- 036 ereduak, behar bezala beteta. Aurkezteko arrazoi gisa «IFZren eskaera – Beste arrazoi batzuk» markatu behar dute eta 2. apartatua aldatu. ([Jaitsi ereduak](#))
- Helbide aldaketa egin izanaren frogagiria, dagokion erregistroan inskribatua, hala badagokio.

Aurkezteko lekua, jarraibideak eta bestelako datuak: [036 Gipuzkoa](#)

4.1.2.2. *Sozietate izena edo forma juridikoa aldatzea*

Sozietate izena edo forma juridikoa aldatzen duten entitateek honako hauek aurkeztu beharko dituzte:

- 036 ereduak, behar bezala beteta ([Jaitsi ereduak](#)), honako hau markatuta:
 - Sozietate izena aldatzen bada, aurkezteko arrazoi gisa «IFZren eskaera – Beste arrazoi batzuegatik» markatu behar da, zergatia zehazteko «Izena edo sozietate izena aldatzea» hautatu, eta sozietate izen berria adierazi.
 - Forma juridikoa aldatzen bada, aurkezteko arrazoi gisa «IFZren eskaera – Forma juridikoa aldatzea» markatu behar da, zergatia zehazteko «IFK

eta forma juridikoa aldatzea» hautatu, eta IFZ berria adierazi, letra eta guzti.

- Aldaketa hori egin izanaren frogagiria, dagokion erregistroan inskribatua, hala badagokio.

Aurkezteko lekua, jarraibideak eta bestelako datuak: [036 Gipuzkoa](#)

4.2. IFZREN TXARTELAREN KOPIA ESKATZEA

Oraingo zerga egoitzan eskudun den administrazioari eskatu behar zaio IFZren txartelaren kopia ematea.

4.2.1. PERTSONA FISIKOAK (NAN, IFZ: K, L, M)

Arrazoiak galera bada, NANA berritzeko izapideak Polizia Nazionalean egin behar dira.

Gipuzkoako Foru Ogasunak zuzenean esleitutako IFZen kasuan, titularrek beste IFZ txartel bat emateko eskatu ahal izango dute, galdu dutela argudiatuta. Horretarako, honako hauek aurkeztu beharko dituzte:

- 030 eredua, interesdunak edo legezko ordezkariak beteta eta sinatuta ([Jaitsi eredua](#))

Gipuzkoako Foru Ogasunean inskribatuta ez dagoen ordezkari batek aurkeztutako eskaeren kasuan, ordezkariaren frogagiriak aurkeztuko dira.

Aurkezteko lekua, jarraibideak eta bestelako datuak: [030 Gipuzkoa](#)

4.2.2. ENTITATEAK:

IFZren txartela galtzeagatik beste bat jaulkitzeko eskatzen duten entitateek honako hauek aurkeztu beharko dituzte:

- 036 eredua, behar bezala beteta, aurkezteko arrazoi gisa honako hau adierazita: «IFZren eskaera – Galera» ([Jaitsi eredua](#))

Aurkezteko lekua, jarraibideak eta bestelako datuak: [036 Gipuzkoa](#)